

積翠軒詩集

長白高述明東瞻著

弟

斌東軒

鈺其相

校編

男

坤晉誠履咸泰復

校字



同友人吳南岐登道州城樓有懷

高閣峻嶒倚素秋興來携客一遨遊  
僊橋未斷人行少冰石無寒蹟尚留  
嶺樹平凌青漢迥山岩峯遠並白



雲浮元公風韻遺瀛水沁入瀟江派自流

偕友遊含暉岩步壁間韻

僊岩懸峭壁勢邃氣幽陰往事堪垂淚遺踪得共尋  
溪聲清自古山骨老於今絕徼鍾靈秀臨風豁我襟

覽鏡

三鑑從來讓爾材暫看容鬢一為開頭顱未改還堪  
笑形影何殊只自詆不獨此中成多境試觀何處是  
真胎年來碌碌風塵裏且向青銅醉綠醅

聞吳南岐家信促棘贈別

力挽行袂不少留無端風信促歸舟  
驪歌未唱聲先咽別酒方傾淚滿甌  
楊柳無情猶作態雲山有意似含愁  
遙占此後相思夢頻逐芝城瀟水遊

和吳繡菴自東安寄詩贈別原韻

一首新詩紫水封八行唵筆字精工離歌倡自白雲  
外片錦銜來青鳥中金榜舊傳名姓貴柳營今覩賦  
詞雄軍門冰鑒高黃牡伯樂行看屢顏驄



陽羨周遜齋惠宜山堂詩集賦此以謝

高文惠我愧何酬不盡珠璣滿目收涑水當年孤問  
世宜山此日並堪留常悲風雨誰知已忽睹琳瑯氣  
自投豫訂他年林下約買田陽羨願從遊

次周遜齋見示和金天球春日有感原韵

繁花經雨惜蹉跎荏苒春光暗裏過飛絮時縈歸夢  
斷遊絲偏惹客情多湘流入望驚濤浪蜀道遙聞說  
坎坷醉倚高樓時極目古今無限此煙波

傲骨天生未可更常悲世態有逢迎滿腔幽挹詩堪  
寄幾曲高歌酒自傾敬仲勳猷新令望伯仁感歎舊  
知名可憐千古猖狂客獨羨江東阮步兵

邀周明府聽琴不時至賦此代柬

邀君今日聽彈琴寫我情懷學楚吟流水清音誰解  
賞陽春古調共招尋同舟久結青雲契剪燭時聽夜  
雨深况值天涯蠻粵地揮絃何處覓知心

有不知姓氏者投詩贈別依韵賦畲



壁間惟賸一琴懸  
楚水黔疆未易遷  
贏得清風遺冷署  
敢煩父老候江邊  
何人頻弄梅花曲  
有客遙唵白雪篇  
豈是揮毫慵屬和  
恐將下里句先傳

永明寓中暮春晚眺有感

東風吹雨暮淒淒  
暗裏光陰日易西  
歸思欲隨斜照遠  
征途愁入望中迷  
蕭條芳艸傷春別  
寥落栖烏向晚啼  
欲寫孤懷頻眺矚  
愧無佳句拂箋題

次周遜齋贈別原韵

上林詞客挾天才  
百里分符紫禁來  
贈別高風仍解佩  
題詩逸興更登臺  
共憐雙劍延津合  
誰念千秋郢調哀  
幾日情懷多寂寞  
愁看時復為君開

三年承乏守巖疆  
極目蕭條接遠荒  
未有指揮新壁壘  
敢將詩句弔瀟湘  
關山無際離情遠  
珠玉頻傾別恨長  
為看碧霄霞散綺  
彩雲收得滿空囊

健筆縱橫氣似雲  
披緘注目日將曛  
念予事業慚驃騎  
羨爾龍蛇埒右軍  
宦海頗能甘澹泊  
高風不盡在



詩文懸知別後遙相憶回首愁看幾鴈羣

寄吳南岐

時在永  
州府幕

河干携手悵分襟幾度思君入夢頻曾記鶯花同把  
酒還因風雨一懷人綠天池畔閔揮翰鈿鈿溪頭自  
蹋春憶得文旌遙指後頓令煙月冷江濱

三年硯席永陽濱義重投膠不計貧乍別徒悲遊子  
淚相思翻訝宦情真君依五馬才應展我望雙魚著  
屢顰想見花朝明月夜二難相對共傾醇

孟夏月夜友人吳申侯別駕朱岱峯徒步過訪  
約登舟翫月即事

首夏宵分月正圓月光接水水連天涼飄玉露祛炎  
暑色映鯨波澹晚煙僊客澄懷思坐嘯閔官徒步約  
登船共憐一片清輝影任醉裴裒不肯眠

端陽前一日月下懷周遜齋

鐘漏初聞興未闌柳梢斜挂月珊珊回憐蛾影窺來  
少為愛蟾光別去難此夕琴尊依馬嶺明朝詞賦弔



湘蘭遙知茂姝披襟處一卷離騷斐几攤

端陽懷古

每逢佳節倍情酸撫景披襟悵遠觀綵縷當年難續  
命湘波此日尚留丹片時讌佞千秋恨一卷離騷萬  
古看憑弔可憐何處是空餘簫鼓震江干

贈周明府

羨君作宰稱循良政事文章兼擅長乘鶴仙風真可  
再挹琴清况未相妨錦箋題句從容和羽檄傳詩次

第將更有人生難及處一門風雅聚華堂

文君吟

上林詞賦重雋林鳳曲琴挑說至今一代雄才推巨  
筆千秋俊眼信知音皚皚素質和霜潔皎皎晴雲帶  
月深何事文園情不定猶煩重咏白頭吟

奉和高提憲自永陽賞兵迴舟憶遊澹岩之作

玉節持來 聖澤深登臨肯負白雲心西山爽氣依  
然在謝屐高風尚可尋萬壑芙蓉迎劍鳥九疑風雨



動謳吟庭堅題後空千載又遇詩人一賞音

和胡友贈別

已唱離歌勒玉條此心惟許月同標  
遂吹五夜聲初切鴻入蒼冥影自遙  
數載栖遲情久洽半颿搖曳夢還飄  
鬢宮幸遇諸君子一曲南薰舞鳳韶

幾度揮戈意未平頭顱依舊尚崢嶸  
謬誇峴首碑三碣徒羨瀛溪水一泓  
看到輿情還自愧聽來歌頌覺心驚  
即今別去無他望遙卜青雲萬里程

自道州調任武岡舟中即事

十年覓向畏途寒今日扁舟一枕安  
兩岸健兒猶佇望一舸明月下前灘  
共傳政拙欣無事只有詩多似曠官  
閒倚篷牕時極目碧波江上正湯湯

和周明府郵遞贈別之作

憶自旗亭把酒盃那堪驛路曉風催  
一身薄宦瀟湘曲百口誰憐跋涉哀  
北望衡陽鴻鴈斷南遊澧水瘴煙開  
天涯萬里空孤棹搜抉還應愧史才



孤城寂寞獨登臺  
悵望思君日幾回  
青鳥忽驚雲外至  
素書喜向月中開  
銀鈎影映龍蛇動  
新韻風飄珠玉堆  
最是健兒羣訝異  
郵筒遙遞和詩來

惠投佳句錦箋裁  
一度思君一度開  
營道舊曾煩巨筆  
武岡仍復望僊才  
憑將瓦礫從郵寄  
定有珠璣屬和來  
諄語他時勞驛使  
題詩莫待折寒梅

聞周明府幕友金雨三買妾賦此戲贈

聞得千金買綠珠  
紅蓮光靄映流蘇  
新聞覓句嗔偏

媚遠客看花意倍娛  
疑是老奴饒興致  
憐同小玉共枝梧  
画眉犀筆應無暇  
猶有閒情屬和無

次許天章留飲還山賦謝之作

驥逢伯樂自羣空  
千古斯文一脈通  
况覩丰姿饒逸致  
那能詞賦不豪雄  
開尊欲盡平原興  
下榻無慙孺子風  
他日武岡求隱士  
百金雙璧有誰同

寄懷吳南岐

孤鴻一舉渺雲煙  
良友情懷隔遠天  
剪燭何年卜後



和翠車詩集  
會開尊此日感離筵詩成夜月遙相憶客去關山只  
自憐驛使傳書無所寄新詩附得兩三篇

登南樓

湘水衡雲一望秋客懷盡日在登樓慈親莫慰倚閭  
望遊子長深負米憂細柳連阡聊對酒青山極目轉  
增愁無情最是江心月猶照尊前蘆荻洲

秋日武岡南樓懷古

南樓高敞碧霄懸極目平沙悲遠天濟水潺湲空日

日野禾離秀自年季僊家丹竈荒山裏勝國遺踪夕  
照前千古低徊傷往事杜鵑啼破早秋煙

獨坐

蕭閒獨坐向孤亭滿郭晴光入座清僻性唯看三徑  
菊蔬餐不羨五侯鯖風前篠竹供新句雨後雲山展  
畫屏莫向旁人誇吏隱陶然且復醉伶行

次周遜齋新秋寄懷兼畚金雨三新娶和韻之

作



雨聲浙瀝滴空堦千里同人共此懷况復秋風動離  
思何堪尺素滯天涯芳蘭幽韵應盈案丹桂新香定  
滿齋不是闕睢吟淋女誰知彩筆善詼諧

共君寥落楚天南宦海波濤未脫驟秋葉乍搖情滂  
切春羅初試意全諳蓮生幕府枝當並雉遶車輪政  
異三賓主倡訓頻岸憤只今白雪滿江潭

又次秋日見寄之作

感君意氣念綈袍是處風塵似海濤春色何如秋色

遠桂花爭似菊花高詩成錦繡留餘思墨潑雲烟快  
染毫珍重新篇收玉筍他時長取誨兒曹

策對賢良賜錦袍奏除誰復繼山濤漫嗟五斗折腰  
賤為想蘇門聲韵高夜月明時知嘯詠綵霞繞處憶  
揮毫西風又聽驚寒鴈欲賦清秋愧爾曹

次允恭送巡苗崗原韵

貌貅肅伍逐雙旌南徼蠻荒按部行五嶺舊標銅柱  
近三苗新化瘴煙平溪非錦水誰賓主壑滿芙蓉解



送迎攬轡長塗殊寂寞惟憐野鳥自呼名

中秋翫月

皓魄空懸一半秋碧霄爽氣靜南州晴煙明滅翳華  
表清露飄飄滴斗牛玉璫傳聲樓外轉嬋娥瀉影月  
中遊湯憐此夜蟾光好幾處歡歌幾處愁

海門東望氣崔嵬叢桂山中正報開客自清晨携杖  
至月從晚夕破潮來詩當令節多佳句酒遇良朋不  
計杯無事翻欣官職冷清輝永夜任裴裛

中秋無月

重陰竟夕繞銀河令節今宵暗裏過桐葉有聲傳院  
落雲霄無影覓姮娥謝莊揆藻空留賦李白啣杯且  
湯歌此夜誰家吹玉璫關山月色曲中多

檢書有懷

冷署蕭閒歎索居排編空自笑迂疎要人  
有事誰憐汝嗟我無徒弗棄予壯學  
恆慙高散騎清貧恰類馬相如武岡士庶爭傳說喚作書中老蠹魚



舟中聞遷秩口占

瀟湘月裏度春風宦海遭逢任轉蓬昨日方來今又  
去蘭橈盪破曉煙空

江行即事

往來頻涉楚江程愧我才疎不善鳴有策方知悲賈  
子無情且湯弔湘英岳陽城畔舟空繫黃鶴樓中筆  
又擎歷歷勝遊良可賦驪珠探得稱心情

次周遜齋小春見寄原韵

步武詞場歎絕塵嚶鳴天外結嘉賓相思未有梅傳  
信應候先憑鳥報曾易斷碧雲江上袂難尋芳草夢  
中身遙知來往瀟湘路應念投詩贈楚臣

時遜齋有  
星沙之行

再和見寄次檢書有懷原韵

謗誇西蜀子雲居還愛嵇康意氣疎雪案簡編空憶  
汝夜牕風雨正愁予新詩照眼驚竒絕古道論心復  
澹如每出一篇傳絙貴湘江爭食鱸殘魚

次周遜齋寄贈原韵



高風空自羨稜稜四十無聞蓋見稱自是 聖朝多  
異數欲將樗散勸奇能既輸元凱碑三碣復乏王郎  
墨一升蚤負何堪煩遠賀開緘宛憶在春陵

詞壇獨步久推雄一字堪師寤寐中百鍊有聲方是  
句千迴無障不之東才人氣象干南斗遠客心情拓  
下風莫道沅湘雲外隔春來芳訊有蘭蕖

次文徵仲題唐六如紅拂妓画卷絕句

六如畫就風流態徵仲題成絕妙詞不是才人多戲

筆欲從知己重相思

仗劍風塵西復東踈來懷刺又成空那知能識英雄  
眼偏在蛾眉巾幘中

偶憶周遜齋前見示詩每多抑鬱之句歲暮無  
事有感於懷即用原韵率成二律

忽見南枝報蚤春孤牕澹蕩悵芳辰幽蘭遠隔蠻煙  
地病鶴遙唵楚水濱駿骨難期當日價蛾眉羞效入  
時顰相知幸有青氈舊嬾慢愁人性自親



和聖車言集  
鴻書迷下永陽濱  
寥落誰憐偃蹇臣  
十載襟懷君少  
遂半生骨相我  
尤屯詩能寒瘦  
吟休苦酒破窮  
愁飲欲頻好向  
長塗歌壯志莫  
教霜鬢老風塵

對雪寄許天章

輕煙漠漠朔雲遮  
氣結重陰散六花  
部外寒山堆玉  
案溪邊枯樹燦銀  
蕩泛舟空羨它年  
興披覽遙知此  
日嘉為問幽居風  
韻客十千斗酒可  
能賒

乙未元旦立春值雨

欣逢天臘節玉琯  
適飛灰光逐雲翹  
舞春隨泚氣迴  
條風初拂柳細雨  
暗肥梅文之榭花  
頌酒傾栢葉杯  
癡從前月賣窮自  
去年來未愛簪幡  
勝獨傷飲次催

龍燈

誰說蛾兒獨擅傳  
龍燈為戲最蜿蜒  
形猶水族翻宜  
早遊戀堦除不在  
田鱗甲光芒欺火  
樹聲譟爛煬起  
雲煙夜來明月休  
嫌暗自有驪珠燄  
滿天

和鄭廣文寄倪慕椿雪日江亭送別之作



餞客河干絮亂飛就船買得錦鱗肥開樽不惜觥三  
舉判袂何堪柳十圍眩目自憐花起舞回頭共羨鳥  
知歸蕪葭玉樹頻相倚雪滿江亭漾翠微

遙聞澗水有隋珠幾欲尋探今尚無枰着花朝誰作  
壘詩敲月夜獨償逋旗亭携手人行雪好友談心玉  
在壺薄宦天涯全一况忍教長嘯片雲孤

和倪慕椿十四夜翫燈無月之作時十五夜亦

無月

千金一擲買韶年興阻重陰醉欲眠竹馬怯風甘伏  
櫪火龍得雨已歸淵惟餘絃管娛元夜復賴霓裳近  
舞筵韵事尚堪成勝賞向誰戲取錦纏錢

酬鄭廣文郵寄二律復疊和龍燈三韵之作

驛使持來錦一函披緘已幸入雞談雲煙筆態花分  
五敏捷詩才韻和三局布疎星誰識變操傳流水獨  
應諳伊人近在桃源地咫尺津涯有指南

芹藻香聞六嶺春風風雨雨總宜人山川寧阻神交



積翠軒詩集  
夢筆墨先牽作合回湯惜孤唵揉楚澤虛傳雙劍躍  
延津而今莫恨相知晚澗水雲山意更親

春雪

何事芳辰湯寂寥連朝又見絮飄飄  
傷溪嫩綠抽仍淺着水巖花凍復消  
春夢欲迷南國路輕煙猶帶北風颺  
試歌郢曲尋聲辨氣入陽和韻已調

次周遜齋歲暮志感原韵

催人短景侶風燈白髮何堪霜氣凌  
肘掣寧能書甲

子興衰無復夢黃陵時當歲晏思添綫  
事到糾紛憶結繩倦客述懷聊自遣  
步檐慵向画欄凭

春柳

嫩綠當春色更嬌東風吹雨自飄搖  
含煙欲舞疑無力凝黛舒眉不用描  
質弱真同張緒影條長恰似小蠻腰  
相看最是關情處一曲離歌傷渭橋

清明

細雨散清明孤城倦一凭郊原生暝色  
士女盡嘗蒸



烟冷晨光靜愁深晚慮凝客塗無拜掃倍覺此情增  
贈胡廣文給假歸養

陳情此去篤天倫泉石高風復幾人定省無違今日  
志巖廊有待異時身思遺絳帳詩千首興遣東籬酒  
數巡文行如君寧久卧佇看江漢起垂綸  
相逢意氣稱聲聞散日酬懷向夕曛纔挹光風喜聯  
袂忽驚話別惜離羣行高簡策名爭價德被謳唵字  
吐芬依舊青雲程萬里湯耽詩酒弔湘君

因武攸士卒立碑而作

細雨濛濛繞旆薰風蕩蕩澹孤城改觀壁壘徒虛  
譽依舊葫蘆是定評堪笑獨留碑一碣湯勞共餞酒  
三觥祇今多少茅簷礎多以舊碑作礎誰復經過太息聲

由武攸陞任宜柳携眷舟行即所見述懷

廿載江湖澹客情片颿仍復指前旌鬚眉半老煙波  
色名利都消款乃聲紫燕翔風雙翅穩白鷗泛渚一  
身輕船頭好景時時換愁對青山眼倦撐



和聖車言集  
清風江上盪雙橈相送征帆盡日飄一瀨一灘聲滾  
滾半陰半霧雨瀟瀟泉飛石壁雲常卷碓轉車輪水  
自澆空憶詩人陶謝手珠璣筆底景全描

和金天球春日詠柳

彷彿靈和殿裏栽何因移向戟門開五株久顯陶公  
號一絮還傳謝女才風淺最先合浦春深只是傷  
離杯碧牕多少閒情客濃淡常勻畫不來

枝青葉碧暗栖鷗名屬章華第一家離恨半披新露  
眼春思全結嫩抽芽龍沙氣煖遂吹早虎帳談深月  
挂斜最是滿城稱勝處淡煙影裏畫樓遮

送薛文玉落職西隸

平遼勲業舊知聞今日天涯得遇君不定風塵剛避  
逅無端波浪又繽紛求伸夔勢形常蟄暫息鵬程志  
在雲此去秦關歸路遠相思魚雁慰離羣

送陳象臣之永陽

客裡相逢客路過客途無那別離何明朝共宿瀟湘



月月下裴裒一浩歌

意氣如君豈憚勞令人復歎飲醇醪自憐薄宦無他  
贈慙愧旗亭念佩刀

曉起衝煙晚泊汀與君同是一浮萍永陽為報諸僚  
友風穩扁舟下洞庭

聽制府自製新琴

獨費經營出匠心未曾焦尾遇知音一般俱是尋常  
木何幸今朝撫作琴

紫燕雙飛繞座傍鸞凰絃上好相將始知画棟珠簾  
地自有鈞天樂擅塲

鳳舞鸞翔莫浪誇洞天春曉鴈平沙廣陵散後僊散  
絕一曲南薰繼舜華

指瀟淵源音韻鏗高山流水古今情開元若解真滋  
味肯聽花奴羯鼓聲

和楊明府聖與同王象先彭玉山溫定三正月

六日洞庭祠晴眺先字韻



新正訪勝讓誰先  
柏酒初開人日前  
僊客銜杯爭弔  
古使君握管慣連篇  
榜山掩映斜陽裏  
章水潺湲曲檻邊  
到此詩情應愛好  
岩花溪柳倍增妍  
野梅昨報一枝先  
騷客遙聞興杳然  
著屐寧辭山得  
得携尊偏愛艸  
芊芊殘霞暮捲千峰雨  
翠嶂晴開萬井煙  
不獨今朝饒勝槩  
明朝剪綵又紛傳

寄懷劉晉齋時公出衡州

次聖與韻

牢落湖南各一州  
與君薄宦此淹留  
常歌佳句惟推

謝每憶良朋只向劉  
有夢難隨迴鴈到  
無方可逐泛槎遊  
扁舟應起家鄉思  
擁被吟來獨自愁

和楊聖與疊詠茶花見示之作

應知此花異獨盛  
五溪蠻彩筆頻雙落  
僊才露一班  
開隨芳歲艷結得  
隔年殷兩兩相形處  
含情對遠山

以詩代簡邀楊聖與

錦樣新詩往復諧  
可憐指日坼天涯  
相看聚首纔餘  
幾猶自孤唵各一齋



和車言集  
幾日春光落盡梅盈堦草色又相催  
緘詩試問能閱  
否明早期君把盞來

楊聖與王象先重遊洞庭祠值雨

勝事連朝傷水隈  
新詩况值雨相催  
謝安未倦登臨興  
王粲偏多著作才  
指日離情愁細柳  
經時嵐氣落寒梅  
勸君莫作江南賦  
賦就誰知庾信哀

冷署春日即事

惱人春色儘重重  
筆研梳綵漸漸慵  
當面祗餘數莖

竹傍簷惟有一株松  
早衙未放鳥常集  
午夢方殘睡轉濃  
莫歎終朝無所事  
閤官冷地且從容

春日寄周遜齋時聞覓子母鉛

輕煙澹澹薄春寒  
柳欲垂陰李欲殘  
傲吏才高青玉案  
仙家道重紫金丹  
佇看笙鶴來雲際  
遂有雙鳧見履端  
慙愧故交猶念切  
忍教塵世獨彈冠

雨雨風風二月天  
離情不禁此中牽  
暮雲近隔三湘水  
蘭芷遙聞五嶺巔  
已把詩文驚一世  
又將黃白占



長年知君本是僊山客未了人間筆墨緣

和彭玉山草堂落成原韵

新開別墅築山莊得意生徒晏後堂架擁詩書遺法  
善門多桃李毓材良曰思避俗芻栽竹為愛清幽画  
對岡從此芝蘭生砌滿知君德厚有流光

和鄭方同見懷原韵

青鳥銜書下遠天一聲長嘯振山巔月明楚澤人千  
里詩寄離情字一篇迴鴈隨風行自斷遊絲逐恨湯

相牽春來每佇江濱望思似浮雲去復還

酬倪慕椿

啾啾春鳥傷山隈喚得離人曉夢回曾記偷閒常戲  
奕復能乘興數銜杯如膠好友經年隔似錦花牋兩  
度來莫恠新詩叶金石知君齒頰有鑪鎚

暮春志感

霏霏穀雨暗山嵐荏苒光陰月已三出岫白雲看變  
兮尋巢紫燕聽呢喃清風可嘯探喉嬾狂藥何靈恠



性耽回首不堪春漸晚年華事業兩相慙  
試看春色繞堦庭剩得芳菲幾日馨已是頻聞風擘  
柳何堪又賦雨淋鈴無關勝負宜三黜有類糟醅笑  
獨醒為向軍門一相問君家雙眼可能青

積雨遣懷次劉晉齋韻

敢為重陰興遽芟遙看野老荷犁鑿字竒載向嗣宗  
問欄損仍教花使監新漲繞城紆綠帶蒼苔圍砌恰  
青衫竹林冒雨聞清韻何異論交得阮咸

暮春有懷

春深曉夢最朦朧多少閒愁總是空風入柳梢縈別  
緒雨來花徑冷殘紅櫻桃熟後思樊素榆莢飛時憶  
鄧通盡日含情終未見憂心不禁自忡忡

戲簡周遜齋

把君詩句咏清宵悵望春陵瀟水遙一代文名重司  
馬千秋僊令屬王喬胎元得結嬰兒現火候新成姹  
女消内外金丹湏細認層樓他日可相招



壽郴州范省菴

花飛桃李正宜春南極星明值此辰  
載道謠聲欣爛燭繞堦玉樹羨嶙峋  
三刀已應它年兆五馬行當即日陳  
紳士濟堂稱慶處介眉壽酒定千巡  
風流為政在郴陽指日星輶入鳳凰  
望重三湘聲譽滿化孚五屬澤流長  
詎諧每露英雄氣謔浪無通術士方  
今日幸逢申降候聊飛毫素當稱觴

湯興

年來兩鬢漸添華看破浮生亦有涯  
藥物倩誰收馬渤微名笑我類牛蝸  
摹碑敢擬書黃絹題壁何曾為碧紗  
已信疎慵甘自棄好同戢翼伴昏鴉  
丁青齋寄惠筆墨箋扇字賦此以謝  
輕綃尺幅靄雲煙千里情隨鄂渚牽  
已羨生花江令筆還誇五采薛濤箋

奉寄丁青齋

湘江南北路迢迢為憶同人氣槩饒  
黃鶴清風真自



在庾樓明月更逍遙  
宵歲成竹謀先定  
膝抱瑤琴性漸調  
一度相思一惆悵  
何時共泛木蘭橈

壽劉明府晉齋

逢君恨晚在湖南  
把盞相看快盃簪  
三月吉星欣嶽降  
幾年薄宦滯山嵐  
之官肯讓鳴琴治  
對友時能捫蝨談  
不約儘同疎嬾處  
更期何地結茅庵

周遜齋手書湘妃竹賦及律詩古風數首見示

作此以謝

錦箋開處五雲開  
何減當年楚客才  
隻字每看三復後  
片詞猶讀幾千迴  
書時想見鸞龍舞  
賦就應知風雨來  
章水士林傳誦遍  
人人解道似郵枚

自遣

一官闌寂似居鄉  
不逐紅塵世事忙  
晨讀南華幾千句  
午臨道德兩三章  
日閒養就耽幽癖  
多病裁成濟世方  
隨分隨緣聊自慰  
肯教年歲負流光

閏三月即事



積餘成閨在茲辰巧駐殘芳過幾旬眠柳妖嬈偏弄  
態嬌鶯婉轉更啼頻乍晴雨色光搖練半落花枝錦  
綴茵不是歸竒增玉塵炎風蕩蕩正愁人

寄懷劉晉齋

客情如柳日三眠酒興吟情兩盡蠲只有俗人來說  
鬼更無高士與談天枕椰葉暗黃樓雨鵬鳥聲號碧  
海煙別後交情何處見武溪明月薜蘿懸

苜蓿艸色錦鋪茵極目煙巒憶遠人此日共傳重俗

寇而今且喜近為鄰香詞不讓徐陵豔多術能追左  
氏神五日眼前行又至好將詩賦弔靈均

讀華楚彭公行狀

驚赴修文哭老農山城東去有平峰衣冠可表當年  
志泉石聊藏世外蹤斂膝此心惟正靜掩關無事不  
從容風流自足高千古手澤依然在柏松

初秋寄楊明府

一陣西風到碧梧回看始覺鴈行孤三千之數踈完



否二豎而今逐盡無錦水安瀾迎卓茂峩嶠明月待  
林逋它年會倚琴臺去携手文君酒肆沽

三門灘阻風

白蘋紅蓼映三門晚泊沙洲看水痕逆浪風翻堆起  
雪征颿葦豎聚成村夕陽歸雁難隨影暮雨秋江合  
斷竟展轉不離蝸角地一尊薄釀對黃昏

和友人中秋之作時中秋後一日也

節候頻催憶往年韶華一度一淒然詩從昨日吟方

好月到今宵尚似前微晷漸消丹桂影涼颿欲颭菊  
花天嫦娥肯恤孤栖客可有餘光照泊船

題睿師孝思堂

空門無復惹情牽叅透元機最上禪老鹿閒依紅樹  
外慧禽哀戀白雲邊拈花儘可全三教施水目能息  
萬緣料得吾師敦本後一天風月逐寒煙

早行

茅店雞聲促啟行川平道古謔相將夢魂猶遶三更



月鬢髮何堪五夜霜時泰不須愁失馬路岐徒復歎  
亡羊遙憐向曉天邊鴈名利無關為底忙

丁酉臘月再回京示二弟

憶別同懷十八秋而今重向帝城遊三珠樹並慙  
予朽五鳳樓高讓爾脩快意一生惟薺水難辛半世  
為箕裘相逢莫歎相離久共慶堂前捧玉甌

示三弟

撫手無言意轉傷那堪心事倍淒涼與君一世為兄

弟今日相逢第二場

初到西寧有感作

圖南有待羽毛豐且自徜徉小院中閑看楊花迴舞  
雪靜聽梁燕語微風倚亭草木疎還瘦應戶兒童啞  
復聾喜是河湟舊遊地春來新韻滿芳叢

再至湟中

豈料重來倚戰場昔年曾此駐騰驤新桃幾樹攀難  
得舊柳十圍撫易傷湯養微名垂竹簡可能長劍倚



扶桑而今且喜酬初志會向河源徐攬纆

塞外

五月猶飛雪三春未見花炎風初解凍夏艸漸萌芽  
畫角寒聲迫旄頭白氣斜樓蘭如未斬不敢顧身家

黑水軍中

遶壁胡兒騎幾羣胡笳胡語不堪聞通宵羯鼓渾驚  
鳥盡日征塵欲遏雲事去自遺千古恨將來誰弔戰  
塲文可憐朽腹從軍士倚劔旗門日又曛

路歷千山險身經百戰場凋弓宵逐月寶劔曉侵霜  
矢盡猶搏戟餓空復裹瘡勢危思効命力竭敢辭鋹  
豈料秋風緊致令鴈失行浮雲馳處迫落葉聚時忙  
咄咄將誰怨悽悽祗自傷

君恩何以報終夜憶睢陽

沿塗襍咏

夜對銀河北斗星撫躬不禁淚飄零無顏此日朝  
金闕有恨何時雪虜庭月到三更鬼遙哭風過一陣



五猶腥此身不是從前樣半似浮漚半水萍  
慘慘陰風隔水聞昏昏氛氣暗斜曛征人莫訝胡天  
異知是忠魂蕩作雲

四塞黃塵暢雪山歸魂隱在朔雲間隨風莫憚前途  
遠好向家鄉託夢還

若有人子在彼岑身流戰血染征襟為言肝腦全塗  
地未報

皇恩似海深

瘴氣滿山浮殘生喘未休充飢唯弩革代步倚犛牛  
夜夜承霜露朝朝遇石尤湟中何敢望惟憶海西頭  
無窮心事豈容捐不信忠誠竟枉然莊夢未成魂已  
斷祖鞭欲着復輸先往還歷盡三條路水草無妨百  
道川苦甚征塵邊塞士猶思聚米畫尊前

人日塞外馬上口占

馬蹄猶得蹋芳塵馬上猶嗙塞外春只謂此生常傍  
鬼豈知今日又逢人綵花剪憶刀韋細栢葉香思綠



色醇記得楚江當此日滿灘新嫩錦鋪茵

恭遇

萬壽節喜雨

塞上 恩波接九垓士民臣庶喜裒裒共傳鳳翼朝  
天去復道龍車致雨來梵院松濤諧慶祝樞門柳色  
足春雷蒼穹默會

君王意故霈甘霖助 壽杯

題壁上画梅

探竒連歲興全芟獨憶梅花致不凡瘦影似嫌春葉  
綵幽姿欲避燕聲喃暫隨妙手移塵世終是芳心戀  
石巖孤况自憐殘雪夜忍教舊雨失松杉

每從冷處發仙蕩未識湟中有此花浥浥寒香生粉  
壁紛紛白雪落銀紗盤根細葛形俱古偃卧枯枝勢  
自斜不向嶺南深寂寞嗟君何事滯天涯

龍沙從事歲經三曲裏悠揚韵飽諳躡雪只能披短  
褐看星惟是倚長鋏猶思清冷香侵骨更有踈離致



可耽寫得一枝聊供酒回頭空對白雲慙

幾年欲覓未從容偶向君家壁上逢  
朵朵嬌情澹蕩枝枝歷落態疎慵  
清香幸不迷羣蝶冷韻猶能遠  
衆蠶百草繁花誰是伴獨將瘦骨傲青松

將軍出獵西海

十萬出關雄

深機運掌中

劍鋒直拂旄頭氣旗角斜侵海

面風珍重調弓留射馬肯將一矢貫雙鴻

送胡圖克圖還藏

旌旗十萬出邊關貝葉幢幡載道還  
羌女壺漿迎白馬胡兒襁負禮寒山  
聞風氛祲潛消影待雨天花笑解顏  
試看天魔成舞隊蓬頭跣足服斑斕

梵宇崢嶸倚碧空更於何處覓僊宮  
香龕一一懸球璧寶塲層層嵌映紅  
自奉無殊天界貴人欽盡與世尊同  
應知慧眼看經暇愍見番彝徹骨窮

富人問藏中風景



君問西天極樂方果然風景不尋常楓林徧地皆紅  
葉番寺懸巖盡白墻尖帽聖僧身着錦平頭羗女面  
塗糖相傳種是盤弧類竈蒂時看堆髻粧  
峩然白帽是官形頭戴珠冠誇嫋婷羣婦行謳蠶出  
穴衆僧坐諷藥飛瓶乳酥調麪稱佳味青稞為醅釀  
綠醞寂是林園堪異處鶯散忽繞水心亭

病中望藏東友

西方極樂儘難陳雙樹祇園迥絕倫蛟室光銜須遜

色蜃樓隱現庶堪鄰三生有幸纔登岸二豎何緣日  
繞身直待此軀清健後共君携手渡迷津

冬日自藏凱還道中即事

功成百戰此言旋復值嚴冬三九天朔雪滿林山骨  
冷寒光映地草心堅時登峻嶺雲峰近忽下偏陂石  
磴懸蜀道躡難猶在望夢魂未敢憶秦川

感懷

幾年空歷戰場西時邇猶然不肯齊自是麤麤難遠



和琴車詩集  
駕非闕樗櫟傷寒溪擁來敗絮慙兒子卧去牛衣愧  
老妻近日細觀持節者長髯豐腹躡雲梯

興安送張知州辭官歸里

辭榮高蹈氣何雄寵辱誰能復計功菰米思來千里  
迥清風歸去一舟空黃牛峽靜杯酬月漢水灘深櫂  
倚風傾蓋交情能幾日夢依帆影下湘東

自涼州領兵駐塞上逢七夕

駐馬巖疆正荷戈忽逢佳節動離歌角聲暗咽相思

淚雲影如聞曳珮珂莫歎此生饒別緒且看今夕靜  
風波邊關飛騎知多少倚劍換門羨爾過

題積翠軒詩集後

弟斌

兄曾謂我莫吟詩再過瀟湘得句奇此後源源清  
興湧洞庭秋月入詩脾

佳句頻驚得未曾調高格老氣峻嶒但看念念無  
忘處風味人言似少陵

凱奏長歌拍雪山將軍五戰又生還丹心忘却創



猶痛馬上閱吟入玉關

西海霜風久試嘗南湖煙雨歷衡湘何期百戰功  
成後一曲涼州淚萬行

原上秋風硯篋殘阿咸檢集太辛酸一生心血遺  
編在盥手炷香掩淚看

予兄東瞻先生秉性忠義好學篤行博通經史而不  
事著作歷任戎行既久歲壬辰入

覲見予偶有吟咏謂是不急之務因愷切訓誡勉以進德

脩業諳諄至再迄今先生沒又十有六年予年已垂  
老追維往答言猶在耳也及先生再任湖南公餘與  
一二僚友更唱迭和吟興頗豪至丁酉再踈迺笑與  
予言詩竟夜劇談娓娓忘倦出示近作其風格雄古  
迥異時流鄉先生見者稱之曰此正所謂不鳴則已



鳴必驚人者也嗣以屯駐邊陲兩征西藏身經五戰  
百餘陣勇冠三軍名播青海歷萬死一生全師奏捷  
聖祖深加恩獎旋擢總鎮興漢繼調涼州癸卯秋八月以  
舊創復作卒於紅羅山軍次先生當孤軍絕塞倉卒  
之際不廢吟哦履困而亨要其忠貞足貫金石其得  
句之雄壯更為古人之詩所不多觀後之讀其詩者  
亦可以想見其為人也先生平時四子晉年甫弱冠  
獨從軍中乃能檢求遺稿收取零星片紙於革囊鞬

橐中得詩若干首手錄成帙悉遵原草不敢遺佚一  
字至是以歷年既久請授剞劂以傳於世嗟乎晉之  
心念足悲矣予每一莊誦未嘗不潸然出涕也念予  
同懷三人先生友愛肫篤期望尤殷今予忝任河防  
三弟鈺亦鎮充東男子七人俱成立已受職者五先  
生雖未及見亦可以慰忠魂於九京矣先生之素志  
惟以矢忠報

國為務初無意以詩傳世而先生之詩今迺得以存而



不泯者天之所以加佑忠貞也亦豈偶然者哉爰歷  
敘先生為詩之始末以為跋

乾隆三年歲次戊午長至月穀旦弟斌敬識

先公研窮經史志敦節義不務為詞章自官營  
道時絕徼蠻荒率嚮風順化勿士行枚州署環  
萬山中輦篁掩暎衙齋復多脩竹其書屋曰積  
翠軒先公日夕讀書其中賓僚耽風雅者往  
往投詩屬和自是唱酬旣起吟咏遂多然未嘗  
加意存稿也後再歷河湟兩入西藏百經險阻  
戎馬倥傯間仍不廢嘯詠凱還後初鎮興漢尋  
調鎮涼州癸卯秋八月卒於紅羅山軍次不孝



晉時隨侍行間慟念遺稿手澤所存謹詳加緝  
檢或陳編積策中或弓弦矢箠內片箋寸簡蒼  
萃收掇以歸於戲音容既邈楮墨猶新每一敬  
展即哽咽不能卒讀後從師授學課讀之餘乃  
忍淚出藏篋盥手鈔次間有遺句蝕字皆仍焉  
而不敢佚也敘錄成帙閱今已十有餘年矣深  
懼夫歲月既久而尚未有以傳也謹請命於  
叔父壽之梨棗以垂永遠於戲先公忠義之

行難貞之節已具見於叔父跋語中予小子  
何能多贅一辭惟謹識檢輯之由於簡末不孝  
晉與兄弟等敬對遺編晨夕捧誦同深罔極之  
慕焉男晉謹志















